

# Promoziun musicala

## Propostas per realisar l'artitgel costituziunal

■ **(anr) Ils 23 da settember 2012 ha acceptà il suveran svizzer cun grond surpli l'artitgel costituziunal per rinforzar la promoziun e la furmaziun musicala en Svizra.** Ina grupp da lavur, che consista da represchentants da las uniuns da musica, da l'Associaziun da las vischnancas e da quella da las citads svizras vegn a la conclusiun che la qua-

litad da la scolaziun musicala e da la vasta promoziun da talents stoppia vegnir meglievrada tranter ils divers pertutgads. La grupp da lavur ha fatg 37 propostas co realisar il nov artitgel costituziunal 67a.

Ord vista da l'Associaziun da vischnancas èsi indispensabel che quai sa fetschia raschunai-vlamain e che la confederaziun

sa restrenschia be sin fixar ils principis. Uschè lunsch che vegnan francadas prestaziuns da la confederaziun, che surpassan ils standards vertents, èn ils meds necessaris da garantir tras la confederaziun.

Quellas propostas per mesiras vegnan analisadas da preschent tras l'Uffizi federal per cultura e dal Departament fede-

ral da l'intern. A la fin da mars vegnan quellus discutadas en il rom d'in dialog cultural naziunal cun ils chantuns, las citads e vischnancas. Il cussegl federal vegn alur a decider en il rom dal messadi cultural 2016–2019 tge mesiras ch'el vul realisar. L'entschatta da questa stad entschaiva la procedura da consultaziun.